



Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XI. Bischof Heinrich von Brandenburg vereignet dem Kloster Spandow acht Hufen Landes in Staken, welche Graf Günzel von Schwerin von dem Bischofe und die von Döbberitz von dem Grafen zu Lehn getragen, ...

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

henni confirmatione roborandum. Huius rei testes sunt: frater Anno, Henricus de Grobene, Albertus de Grobe, Bruno de Redinhefedorp, Gerardus de Sconeplet et alii quam plures. Datum Anno incarnationis dominice M^o. CC^o. LXX^o.

Nach dem Originale des Geh. Staats-Archives.

X. Die Markgrafen Otto und Albert vereignen dem Kloster Spandow sieben Hufen Landes in Dalgow, die Ritter Rudolph von Schneitlingen dem Kloster überlassen hat, am 20. November 1271.

In nomine l. e. i. tr. Amen. Otto et Albertus, dei gracia Marchiones Brandeburgenses, omnibus in perpetuum salutem in domino. Que geruntur in tempore, ne simul labantur cum lapsu temporis, poni solent in linguis testium uel scripture testimonio perhennari. Sciat ergo presentis et futuri temporis posteritas, quod cum Rodolphus, miles noster specialis, dictus de Snetglinghe, vnam filiarum suarum monasticam uitam absolute ducere cupientem in Zspandow monasterio sanctimonialium ordinis sancti benedicti obtulisset et eandem dictum monasterium pure propter deum nostrisque interuenientibus precibus ad suum conforcium recepisset, dictus miles septem mansos, quos tunc a nobis feudali iure tenebat, in uilla dalghe sitos, intuitu pietatis deputauit monasterio memorato, ne eidem dicte filie ingressus existeret honorosus, petens a nobis humiliter, ut tam pie uoluntati sue beniuolum preberemus effectum. Nos ergo eius precibus inclinati, dictos septem mansos cum omni iure proprietatemque eorundem contulimus et donauimus monasterio sepedicto perpetuo possidendos. Vt autem hec donatio per nos heredesque nostros in perpetuum inuiolabiliter obseruetur, presentem paginam sigillorum nostrorum munimine fecimus communiri. Testes huius sunt: Frater Anno ordinis predicatorum, Henricus et Arnoldus milites dicti de grobene, Henricus de bredow, Albertus de Sneglinghe, castellani in Zspandow. Datum in Zspandow, anno incarnationis dominice M^o. CC^o. LXXI^o. Indict. III. Concurr. V. XII kal. Decembris.

Nach dem Originale des Geh. Staats-Archives.

XI. Bischof Heinrich von Brandenburg vereignet dem Kloster Spandow acht Hufen Landes in Stafen, welche Graf Günzel von Schwerin von dem Bischofe und die von Döbberitz von dem Grafen zu Lehn getragen, letztere aber den Jungfrauen zu Spandow mit der Bedingung zugewandt haben, alle Kirchen zwei Meilen im Umkreise mit Wein und Oblaten zu versehen, am 26. März 1273.

In nomine domini Amen. Henricus, dei gratia Brandenburgensis Episcopus, uerfifis cristi fidelibus presentes litteras inspecturis salutem in omnium saluatore. Acta presentis temporis scripturarum solent testimonio confirmari, ut ordo et causa rei preterite posteris declaretur et

questio calumpniantium amputetur. Hinc est, quod nos, qui non solum pietatis opera debemus in aliis confouere, verum etiam de nostro, cum possimus, aliquid addere, ut fidelium karitas clarius eluceat, octo manfos in villa stakene cum omni iuris proprietate ad petitionem domini heinrici de dobriz militis et fratris sui Arnolde damus ecclesie in spandowe conuentui dominarum ordinis sancti benedicti perpetue possidendos. Accedente consensu comitis Guncelini de Zwerin, qui predictam villam stakene a nobis tenet titulo feudali, a quo comite predictus dominus h. et frater suus ar. prefatos octo manfos hactenus in pheodo tenuerunt. Nunc autem nostro obtento consensu et nostri capituli et predicti comitis Zwerinensis pretaxatos octo manfos ordinauerunt ecclesie in spandowe hac conuentione et conditione adiecta, ut predicti conuentus persone, que pro tempore fuerint instituta uel etiam instituende, perpetue obligentur omnibus ecclesiis parrochialibus a se distantibus ad duo miliaria huius terre procurare uinum et oblatas cotidie ad diuinum officium habundanter, ut predictis uiris domino h. et suo fratri ar. hec elemosina proficiat ad salutem etiam anime patris ipsorum dicti heidenrici de dobriz militis et matris Juthe uocate ceterorumque progenitorum suorum animabus proficiat in requiem sempiternam. Ne uero contingat animas fidelium predictorum tanto beneficio in posterum defraudari, de consensu partium ordinamus, ut si predicta distributio uini et oblatarum a conuentu dominarum subtracta fuerit uel diminuta, extunc cuiuslibet heredi donatorum erit liberum repetere, quod datum est et etiam quod abinde tempore preterito est perceptum. Nos etiam iniungimus plebanis uolentibus beneficio hoc gaudere in remissionem peccaminum suorum, ut singulis diebus dominicis memoriam faciant predictorum fidelium donatorum. Ut autem hec donatio et conuentio stabilis perseveret, presentem litteram nostri sigilli munimine et nostri capituli prefate ecclesie et predictis uiris domino h. et ar. tradimus sigillatam Adhibitis testibus ydoneis, quorum nomina sunt hec: Petrus prepositus in Brandeburch, Johannes prior dictus Grubbo, Johannes dictus de Grobene, Theodericus prepositus in Colonia, Lodenicus viceprepositus eiusdem, Hildebrandus notarius, Adam prepositus Siendaliensis, Johannes plebanus noue ciuitatis Brandeburch, Johannes dictus de angermunde, clerici et alii quam plures. Datum in Brandeburch, Anno incarnationis domini M^o. CC^o. LXXIII^o. VII^o kal. Aprilis.

Nach dem Originale des Geh. Staats-Archives.

XII. Die Markgrafen Otto der Aeltere und Otto der Jüngere überlassen dem Kloster Spandow das Patronat der Kirche zu Bornim, am 28. September 1286.

In nomine s. e. i. tr. amen. Otto et Otto junior, dei gracia Marchiones Brandenburgenses, omnibus in perpetuum. Ut ea, que geruntur in tempore, non simul cum tempore dilabantur, fragilis est enim hominum memoria: quicquid ergo apud homines perpetuam debet habere memoriam necesse est, ut litterarum autentica positione et idoneorum testium inscriptione robur accipiat perpetue firmitatis; Hinc est ergo, quod notum facimus uniuersis tam presentibus, quam etiam hiis, quos disponente domino natura in esse produxerit in futurum, quod ecclesiam parrochiam in villa Bornem cum omnibus suis attinenciis donamus ecclesie sancte Marie in spandow et functionialibus ibidem deo famulantibus perpetuo possidendam, incorporantes eandem, quantum in nobis

Hauptst. I. Bd. XI.